

Н. С. ХРУЩЕВ ДЕ-МОЙНД

ДЕ-МОЙН, сентябрин 23. (ТАСС-н шишлиь корр.). Сентябрьн 22-т СССР-н Министрмүдин Советин Ахлач Н. С. Хрущев болн энүг дахдж Йовх улс бээрн цагар 13 час 40 минутла (московск цагар 22 час 40 минут), Сан-Францискогъяс Де-Мойнур (Айова штатин ах балгъсен) ирв. Аэродром деер Н. С. Хрущевиг штатин губернатор Хершел Ловлесс, Де-Мойн балгъсна ахлач Чарльз Айле, нань чигн йосна улс тосдж авчхав.

Н. С. Хрущевиг йорадж, штатин губернатор Х. Ловлесс, Советск правительствин толгъач энүнэ цагн күртсэри мана Айова штатин күдврмүднэ ганылдж, гермүдэр, фабриксар, школмудар одж халэх гидж иджэхэн келв.

Энүг йораснд хэрү өгч, СССР-н Министрмүдин Советин Ахлач Н. С. Хрущев, Айова штатд ик байртагъяр ирсэн келж герчлв... «Айова штатин тускар мана олн амтн меднэ, — гидж Никит Сергеевич келв. — Эрдни-шишэ гаргългъяр тадн Соединенн Штатст түрүн орм ээлджэхити бидн меднэвдн. Бидн тадныла дориджэнэвдн, эн дорлдэн йир туста болж гидж би санджанав». Н. С. Хрущев, байртагъяр йорасн улст ханлт өргэд, харгълдж кесн күүндврмүд олн келн амте хооридан ни төвкнүн бээлгъ тетилгънэ төрт церглх гидж ицджэхэн келв.

Н. С. Хрущев болн энүг дахдж йо-

вх улс Де-Мойн балгъснур одв. Аэродромас авн Де-Мойн балгъсен күртл Хаалгын үт-туршарт Н. С. Хрущевиг балгъсна улс олар хурдж мөндлж йорав. Аэродромирн өбр орс келлж бичси плакатг: «Ур Хрущев, ницдж, делкэд төвкнүн бээлгънүр күрий. Зерг Логнер» гидж бичатэ. Паарандь баг студентир зогсджана. Теднэ гарт им плакат бээна: «Төвкнүн бээдж, көдлхмн» Эдинг ирхас ик өмн Де-Мойн балгъсна амте балгъсна уульницт цуглрцхав. Кесг олн мингън күн Советск правительствин толгъачиг тосв. Альд болв чигн йоралин үгмүд сонгосдана, иньлгч инэдн үзгднэ. Амтн уульницн көвөгъяр, гермүдин терэмүдт, балконс деер, нам герин ора деер зогсцхалж.

Советск гиичиртэ машид «Форт Де-Мойн» гидг отелд ирв. Де-Мойнд Н. С. Хрущевин резиденц энүнд бээхмн.

«Форт Де-Мойн» гидг отелин герин өбр Н. С. Хрущевиг Айован хоти балгъсна олн мингън улс дахн байртагъяр тосдж мөндлцхав. Советск правительствин толгъач гарч ири цацу алых ташлдан, йоралин үгмүд нислднэ. Н. С. Хрущевиг микрофонд өбрджин сурв. Айовд энүг тослгън ягъдж таасгдсиь корреспондентир энүнэс сурв. Айовин амте энүг йир саяннар тосв гидж Н. С. Хрущев темдлв.

США-ар им хурдар өргдж йовл-

гън энүг цуцрасн угай гидж сурен сурврт. Н. С. Хрущев шоглдж, цуцрх зөв угав гидж хэрү өгв. Күн наснань гурвна кесн нег хувинь нөөрт өгнэ, наадк хойр хувинь тустагъяр олзлх кергтэ гидж Н. С. Хрущев темдлдж келв.

Соединенн Штатст хамгин икэр юн соньмсулв гидж Н. С. Хрущевас сурцхав. Америкни олн амтн, бас советин олн амтслэ аял төвкнүн бээлгънүр зүткджэнэ гидж Н. С. Хрущев хэрү өгв.

Де-Мойн балгъсна уульцар йовдж йовад. «Бидн тандла мел дангъинд зөвшарэд бээхшвдн болв бидн таниг йораджэнэвдн» — тисн плакат үзв гидж Н. С. Хрущев паарандь келв. Эн — йир ухата үгмүд. Нег-негиларн зөвшарл уга чигн бээдж болхмн, болв США СССР хойр нилгъяр, иньгидж бээх зөвтэ гидж Н. С. Хрущев келв.

США СССР хойрин гардачнр джил болгън харгълцсн цагт төвкнүн бээлгънэ төрт эн туста болхий гидж сурен сурврт, Н. С. Хрущев, харгъдж күүндвр келгън, зәрмдэн йир таас уга болдж нотсар сольснэс туста гидж хэрү өгв. Джилдэн нег дакдж бээтхэ, джилдэн хойр дакдж чигн харгълцх кергтэ саам болад бээхмн гидж эн келв.

Байртагъяр тосендн Н. С. Хрущев Де-Мойна улст ханлт өргр. Терунэ хэрүд шуугдж алых ташлгън нирсв.